

曹州志

第六冊

人物



曹州志卷之十五

人物志

聖賢

鄉賢

賢行



孕川降嶽人資地靈表閭名鄉地藉人重雷夏既
 澤濟陰惟曹婉孌扶輿代生賢哲遠自商周以逮
 今茲其忠孝節義政事文章卓爾不朽確然足徵
 考無慮百餘人大則列於國史細亦旁見稗說倘
 編纂前徽殘闕如故摭輯近事湮沒弗彰是誰之
 咎與蓋興風俗長道業非繩督之所能為也惟典
 型具在芳澤匪遙美斯愛愛斯傳傳斯鼓舞而不
 自己矣故雖高公遜士貞女淑媛其有當於出處
 之間生死之際罔弗兢兢懼或失墜况夫沒祭於
 社尸而祝之者哉作人物志

聖賢

商

伊尹名摯莘人樂堯舜之道耕於有莘之野守道義
 嚴取予湯聞之遣使以幣聘者三遂相湯湯尊為
 元聖與之伐夏救民受天明命湯崩相太甲為冢
 宰明言烈祖之成德以訓於王嗣主不惠於阿衡
 伊尹乃作書匡救王未克變於是營宮於桐奉王
 祖桐宮於憂密適先王之墓以興發其善王因感

曹州志

卷之十五

人物

一

悟克終允德惟三祀終喪伊尹以冕服奉嗣王歸於亳仍作書二篇以導之既復政將告歸復作成有一德以陳戒於王

萊朱名仲虺爲湯左相湯放桀歸惟有慚德仲虺乃作誥原天立人主之意以釋其慚復言爲君修德之實以勸勉之與伊尹同時輔政相業亦稱隆云伊陟尹之子相太戊多所建明時亳有禘桑穀生於朝七日大拱太戊以問伊陟對妖不勝德以修德啓之太戊因而修德甫三日禘桑枯死遠方多歸商道德興周書曰在太戊時則有若伊陟臣扈格於上帝陟蓋商一代賢臣也

曹州志

卷之十五

人物

二

周

冉雍字仲弓聖門高弟以德行稱厚重簡默夫子嘗許其有臨民之度子貢稱之曰在貧如客使其臣如借不遷怒不復怨不錄舊罪是冉雍之行也後世學者尊之與顏曾並稱大賢云

鄉賢

周

曹公子臧名欣時宣公庶子宣公會諸侯伐秦卒於師曹人使公子負芻守使欣時迎宣公之喪

其世子而自立是爲成公諸侯請討之
其殺之勞請侯他年冬宣公既葬子臧不
公將亡國人也皆將從之負芻懼告罪且請留焉子
臧乃返而致其邑明年負芻會諸侯於戚晉侯執
之以歸於周將見子臧於王而立之子臧辭曰前
志有之曰聖達節次守節下失節爲君非吾節也
雖不能聖敢失守乎遂逃奔宋三年曹人告於晉
請歸負芻晉侯謂子臧反吾歸而君子臧反曹伯
歸子臧盡致其邑與卿而不出

漢

曹州志

卷之十五

人物

三

魏相字弱翁濟陰定陶人徙平陵少學易舉賢良以
對策高第爲茂陵令頃之御史大夫桑弘羊客詐
稱御史止茂陵傳舍怒丞不以時謁縛之相疑其
有奸收捕案其罪論棄市茂陵大治後遷河南太
守禁止姦邪豪強畏服會丞相車千秋死其子爲
武庫令自見失父而相治郡嚴恐久獲罪乃自免
去大將軍霍光以此忌相會有人告相賊殺不辜
下相廷尉獄久繫踰冬會赦出復有詔守茂陵遷
揚州刺史考案守相多所貶退居部二歲徵爲諫
議大夫復爲河南太守數年宣帝卽位徵相入爲

大司農遷御史大夫四歲大將軍霍光爲左將軍
功德以子禹爲右將軍光子山領尚書事桓因平
陰侯許伯上封事言春秋譏世卿惡宋三世爲六
夫及魯季孫專權遂致危亂國家自後元毀宋祿
去王室政由家宰今光死子姪復秉樞機昆弟言
壻據權勢夫人顯及諸女皆通籍長信宮驕奢放
縱恐寢不制宜有以損奪其權破散陰謀固萬世
之基全功臣之世又故事諸上書皆爲二封署其
一曰副領尚書者先發副封意有不善屏去不奏
相復因許伯白去副封以防壅蔽宣帝善之詔相

給事中皆從其議霍氏殺許后之謀始得上聞乃
罷其三侯令就第親屬皆出補吏於是韋賢以老
病免相遂代爲丞相封高平侯食邑八百戶及霍
氏怨相又憚之謀矯太后詔先斬丞相然後廢天
子事覺伏誅宣帝始親萬幾勵精圖治相總領衆
職甚稱上意元康中北邊遣兵擊漢屯田車師者
不能下上與後將軍趙充國等議欲因北邊衰弱
出兵擊其右地使不敢復擾西域相上書切諫帝
納其言而止相明易經有師法好觀漢故事及便
宜章奏以爲古事是制方今務在奉行故事而已

數條漢興以來國家便宜行事及賢臣賈誼晁錯
董仲舒所言奏請施行之又表采易陰陽及明堂
月令奏上帝嘉納焉相每救掾吏案事郡國及休
告從家還至府輒白四方異聞或有逆賊風雨災
變郡不上相輒奏言之時丙吉爲御史大夫同心
輔政帝皆重之相爲人嚴毅不如吉寬視事九歲
以神爵三年薨諡曰憲侯子弘嗣其露中有罪刑
爵爲關內侯

孫期字仲遠濟陰城武人少爲諸生習京氏易古文
尚書家貧事母至孝牧豕於大澤中以奉養焉遠

曹州志

卷之十五 人物

五

人受學者皆執經壘畔以從之里落化其仁讓黃
巾賊起相約不犯孫先生舍郡舉方正遣使其羊
酒請期期驅豕入草澤不顧司徒黃琬特辟亦不
應終於家

魏霸字喬卿濟陰句陽人世有禮義霸少喪親兄弟
同居州里慕其雍和建初中舉孝廉入選和帝時
爲鉅鹿太守以簡朴寬恕爲政掾吏有過每先誨
其失不改者乃罷之吏或相毀訴霸輒釋他吏之
長終不及人之短言者懷慙諮訟遂息永元十六
年徵拜將作大匠明年和帝崩典作順陵時盛冬

地凍中使督促數罰縣吏以勵霸霸撫循而已
不切責且引咎曰今卿被辱大匠過也吏皆懷思
王作借刀延平元年進太常累至光祿大夫卒於
官

晉

卞壺字望之汝陰宛句人禘之子弱冠有名譽元帝
鎮建業召爲從事中郎委以選舉中興建歷散騎
常侍太子詹事御史中丞忠於事上權貴屏息遷
吏部尚書以討王含功封建興縣公尋遷領軍將
軍明帝不豫與王導等俱受顧命輔幼主復拜右

曹州志

卷之十五

人物

六

將軍加給事中尚書令帝崩成帝卽位羣臣進璽
司徒王導以疾不至壺正色言於朝曰大行在殯
嗣皇初立寧是人臣辭疾之時王公豈社稷臣耶
導聞之與疾而至皇太后臨朝壺與庾亮對直省
中共參機要時召南陽樂謨爲郡中正潁川庾怡
爲廷尉評謨怡各稱父命不就壺奏其以私廢公
宜絕其表疏以爲永制朝議以爲然謨怡不得已
就職是時王導稱病不朝而私送車騎將軍却鑿
壺奏導虧法從私無大臣節御史中丞鍾雅阿撓
王典不加準繩並請免官雖事寢不行舉朝震肅

後患面瘡累乞解職拜光祿大夫加散騎常侍時
更亮將徵蘇峻壺曰峻擁強兵逼近京邑路不終
朝一旦有變易爲蹉跌宜深思遠慮恐未可倉卒
亮不納壺知必敗致書平南將軍濞嶠憂之峻果
稱兵壺復爲尚書令右將軍領右衛將軍餘官如
故峻至東陵口詔以壺都督大桁東諸軍事假節
復加領軍將軍給事中壺率郭默趙胤等與峻戰
西陵爲峻所破壺與鍾雅皆退還死傷者以千數
壺雅並還節詣闕謝罪峻進攻青溪壺與諸軍距
擊不能禁賊放火燒宮寺六軍敗績壺時發背瘡

猶未合力疾而戰率厲散衆及左右吏數百人攻
賊麾下苦戰遂死之時年四十八二子眡盱見父
沒相隨赴賊同時見害峻平贈壺光祿大夫侍中
驃騎將軍開府儀同三司謚忠貞祀以太牢贈世
子眡散騎侍郎盱奉車都尉眡母裴氏撫二子尸
泣曰父爲忠臣汝爲孝子夫何恨乎徵士翟湯聞
之嘆曰父死於君子死於父忠孝之道萃於一門
眡子誕嗣咸康六年成帝追思壺立朝忠恪喪身
兇寇詔給口實廩其後盜發壺墓見尸僵鬚髮蒼
白面色如生兩手悉拳爪甲穿達手背安帝詔給

錢十萬改修堊北壺季子瞻位至廣州刺史瞻弟
耽尚書郎

唐

王維誕曹州濟陰人少強果奮力紹人杜伏威兵起
用其計戰多克捷署驃騎將軍初伏威渡淮與李
子通合後子通忌其才襲之伏威重瘡墮馬維誕
併命救之得免伏威招集散卒衆稍振未幾隋將
來整又擊走之維誕率麾下爲殿身被數槍勇氣
彌厲竟脫伏威後伏威令輔公祐擊子通以維誕
爲副公祐已爲子通所破維誕提私卒數百人啣

曹州志

卷之十五 人物

八

枚夜擊之順風縱火子通大敗走保杭州維誕追
擊又敗之擒子通於陳獻俘京師歙州首領汪華
自隋末竊據本郡稱王十餘年不遵王化維誕回
軍擊之出奇計破其巢穴華急而縛出降蘇州賊
帥聞人遂安據崑山無所屬伏威使維誕討之維
誕以邑險而完攻之引日遂單騎造壘門陳國威
靈開曉禍福遂安感悅卽率其將士出降以前後
功授歙州總管封宜春郡公伏威入朝留公祐鎮
江南而以兵屬維誕公祐將爲逆患維誕異已乃
預縱反間奪其兵柄拘之別室遣其黨西門軍

論以反計雄誕厲聲曰當今乃太平吳王又在京
輦國家威靈無遠不被公何得爲滅族事耶雄誕
有死而已不敢聞命公祗知不可屈遂縊殺之雄
誕愛人善撫士能致下死力每破城鎮整衆山立
無絲毫犯死之日江南士庶皆爲流泣高祖嘉其
節以子世果襲封宜春郡公太宗卽位追贈左衛
大將軍謚曰忠世果垂拱初官至廣州都督安西
大都護

賈敦頤曹州冤句人貞觀中歷遷滄州刺史在職廉
潔入朝常盡室而行車一乘弊甚羸馬繩羈道上

曹州志

卷之十五 人物

九

不知其刺史也後徙瀛州瀛瀕滹沱汎漲不時敦
頤爲立堰障水使不爲暴百姓利之永徽中遷洛
州洛多豪右占田額踰制敦頤舉沒者三千餘頃
以賦貧民發姦摘伏下無能欺卒於官

宋

張齊賢字師亮曹州冤句人生三歲值晉亂日徙家
洛陽孤貧力學慷慨有大畧每以致君自負太祖
幸西都齊賢以布衣獻策召至行殿面對齊賢以
手畫地條陳十策內四說稱旨帝還語太宗曰我
幸西都惟得一張齊賢異時可輔汝爲相太宗大

平興國二年舉進士特賜及第釋褐將作監丞通判衡州時鞠劫盜十餘皆論死齊賢至活其失入者五人入爲左拾遺時車駕北征五年議者皆言宜速取幽薊齊賢上疏陳其不可六年爲江南西路轉運使政尚寬大江左人思之召還僉書樞密院事雍熙三年楊業戰歿帝訪近臣可知代州者齊賢請行乃授給事中知代州令與部署潘美同領緣邊兵馬時契丹兵薄代州副部署盧漢贇畏懦不出齊賢出奇計伏兵土磴砦掩擊大敗之殺其北大王之子一人帳前舍利一人斬數百級獲

馬二千麗械無筭捷奏反歸功於漢贇未幾又敗契丹兵於代東淳化二年以趙普薦拜樞密副使吏部侍郎叅知政事尋同平章事會掌京庾官王延德求補郡託叅政李沆請於齊賢及奏上太宗怒延德嘗事晋邸不自陳而干執政齊賢不欲援沆爲辭卽自引咎坐免爲尚書左丞出知定州真宗咸平元年召拜兵部尚書復與李沆同平章事嘗從容爲帝言皇王之道而推本其所以然帝納之時戚里有訟分財不均者齊賢請自治許之乃

遂相府問訟者曰汝非以彼分財多汝所分少乎

曰然命具欵召兩吏趨歸其家令甲家入乙舍乙家入甲舍貨財安堵如故分書則交易之明日奏聞真宗大悅曰固知非君莫能定也四年以日南至被酒失朝罷守本官李繼遷陷清遠軍以齊賢爲涇原諸路安撫經畧使齊賢上言清遠陷沒靈武孤危宜招誘蕃族結以恩信使互爲聲援增益精兵置砦險要乘時以爲進退庶成功不難也時不能用未幾靈武果陷景德二年改吏部尚書又上書條陳邊計是年從東封還復拜右僕射三年進左僕射五年代還請老以司空致仕七年薨年

七十二謚文定齊賢初爲布衣行多不羈及居位留心刑獄喜拔寒雋生平四踐兩府九列八座以三公就第悠游林泉康寧福壽時罕其比

邢曷字叔明曹州濟陰人太宗時擢九經及第授大理評事真宗初置翰林侍講學士以曷爲之令坐講春秋於殿上曷敷陳經義兼及時事帝嘉納之詔與孫奭等校定周禮儀禮公羊穀梁春秋傳孝經爾雅義疏遷刑部侍郎曷居近職常多召對咸平四年以老求補外帝以其久在講席超拜工部尚書知曹州已而召還進禮部尚書被病請告帝

親臨問視賜名藥白金繒絲卒贈左僕射所著論語及諸經疏皆行世

任中正字慶之曹州濟陰人載之子舉進士爲池州推官遷著作佐郎通判大名府歷江南轉運副使歲大稔租賦皆盈羨發運使王子與欲悉調餉京師中正曰今幸有餘歲少歉則數不登患及吾民矣乃止擢監察御史兩浙轉運使民饑中正不俟詔發官廩賑之遷殿中侍御史出爲荊湖轉運使後代張詠知益州在益五載遵詠條教蜀人便之真宗時拜叅知政事累官禮部尚書卒謚康懿

曹州志

卷之十五 人物

十二

任中師中正弟舉進士知洛川縣民有罪妨其農時必遣歸令農隙自詣吏租稅皆先期而集民負官茶追繫者甚衆中師爲寬其期康定中累官樞密副使尋以資政殿大學士知永興軍後以太子太傅致仕卒謚安惠中師性樂易自奉儉約晚知養生術號大塊翁

李師中字誠之縉之子年十五上封事言時政舉進士累官提點廣西刑獄尋攝帥事交趾耀兵於邊聲言將入寇師中方宴客飲酒自若草大榜揭境上交人以其情露不敢動卽日貢方物儂智高

宗旦保大峒衆無所屬師中檄諭禍福遂率其衆以降邊人立祠祀之還知濟兗二州濟水湮塞師中訪故道啓鑿之熙寧初拜河東轉運使西人入寇以師中知秦州詔賜以班超傳師中亦以持重總大體自處後以言特政得失爲呂惠卿所忌遂貶和州團練安置還爲右司郎中卒師中始任州縣邸報包拯參知政事或云朝廷自此多事矣師中曰包公何能爲今鄴縣王安石者眼多白甚似王敦他日亂天下必斯人也後二十年言乃信其志尚甚高每進見多陳天人之際君臣大節請以

進賢退不肖爲宰相考課法在官不貴責罰務以信服人至明而恕去之日民遮道挽留至不得行杜衍范仲淹富弼皆薦其有王佐才然好爲大言以故不容於時屢黜氣未嘗少衰

劉潛字仲方曹州定陶人少卓逸有大志好爲古文舉進士爲淄州軍事推官歷知蓬萊縣代還過鄆州方與石延年飲聞母疾亟歸會母已死潛一慟遂絕其妻哭潛亦絕時人傷之曰子死於孝妻死於義

竇卞字彥法曹州寃句人第進士通判汝州遣役兵

叛卞招諭撫定之改開封府推官時方禁銷金爲
衣有犯者屬卞治之事連中禁卞奏曰真宗行此
制自掖庭始今不正法何以示天下英宗從其請
出知深州熙寧初河決澤沔水及郡城地大震流
民自思異來踵相接卞發常平粟賑之吏白以擅
發恐獲罪卞曰俟請而行民已死矣吾寧以一人
活萬人尋以請詔許之民間訛言水至卞令敢言
者斬一日復報水大至請閉門卞不可旣而果妄
會發六州卒築武彊陳卒惰王者笞之不服卞曰
廂兵犯將校法不至重然興役動衆不可拘常例

命斬之以聞有詔嘉獎還爲戶部判官同修起居
注進天章閣待制判昭文館將作監

金

商衡字平叔濟陰人至寧元年特恩進士第一授鄆
州洛郊主簿以廉能調郿縣尋辟威戎令定興二
年歲饑衡白行省開倉賑貸全活甚衆後因地震
城圯夏人乘釁入侵衡率蕃部土豪守禦應敵保
以無虞秩滿縣人爲立生祠再辟原武令未幾轉
戶部主事遷監察御史哀宗姨邴國夫人出入宮
闈干預朝政聲跡甚惡衡上章極言自是邴國被

召乃敢進凡內族慶山將兵守盱眙與李全戰敗
朝廷置而不問衡上言自古敗軍之將必正典刑
不爾無以令天下詔降慶山爲定國軍節度使戶
部侍郎曹溫女在掖廷親舊干預權利其家人填
委諸司貪墨彰露臺臣無敢言者衡歷數其罪反
復論辨哀宗爲之動容乃出溫爲汝州防禦使正
大八年以衡爲秦藍總帥府經歷天興元年關陝
行省徒單兀典等敗於鐵嶺衡招集潰軍意圖後
舉不意爲敵兵所得欲降之衡不屈望闕瞻拜曰
王將無狀亡兵失利臣之罪責亦無所逃但以一

死報國耳遂引佩劍自刎

元

商挺字孟卿衡之子衡旣以戰死時汴京亦破挺年
二十四乃北走依冠氏趙天錫與元好問楊奐遊
東平嚴實聘爲諸子師實卒子忠濟嗣辟挺爲經
歷挺贊忠濟興學養士世祖在潛邸聞其名召對
稱旨字而不名及廉希憲宣撫關中挺爲副使兼
治懷孟境內大治世祖北還召挺至開平與希憲
密贊大計卽復以希憲及挺宣撫陝蜀時渾都魯
聚兵六盤山阿藍答兒自和林引兵南來與合

爲逆挺遣兵三道戰於甘州大破其衆遂平之遣
行省叅知政事會有誣挺者帝顧侍臣數挺前後
大計凡十有七因嘆曰挺功如是猶云有罪若此
誰復爲朕戮力耶四年錫金虎符行四川行樞密
院事至元元年入拜叅知政事帝留意經學挺與
姚樞竇默等纂五經要語二十八類以進尋陞樞
密副使年八十卒於官有詩千餘篇充善隸書追
贈太師上柱國魯國公謚文定子五人琥璘璿璣
琦璵別有傳琦官集賢殿侍講學士

孫撫字子謙曹州人至正初進士授濟寧路錄事張

曹州志

卷之十五 人物

十六

士誠據高郵或謂其有降意朝廷遣烏馬兒爲招
諭正使而用撫爲輔借撫集賢待制就其家起之
撫行抵高郵士誠不廷詔使撫入城反覆開諭士
誠初皆悚然以聽已而拘之他室窘餓之以覲其
降撫不屈之令其黨捶辱撫撫託斥益甚及士誠
徙平江撫與士誠部將張茂先謀遣壯民浦四許
誠赴鎮南王府約日進兵復高郵謀泄執撫拷訊
槁罵聲不絕遂遇害事聞贈翰林侍讀學士中奉
大夫護軍曹南郡公謚忠烈賜田三頃恤其家

王茂字伯昌天性忠孝博學能文工詩順帝時進士

累官臺諫歷戶部尚書調福建行省左丞丁艱明
太祖定鼎金陵奪情授刑部尚書力辭不就因安
置安慶未幾以老疾放還號東村老人有東村野
叟詩稿藏於家

張企誠字思敬世居曹賦性醇謹讀書通大義少喪
母其父再娶徐氏無子企誠與弟企賢事如所生
父先卒徐氏老企誠兄弟奉養彌謹至正間山東
兵亂居民奔竄企誠用巨絆懸箕加杠其上扶母
坐其中兄弟肩舁而行日夜跋涉中途遇盜企誠
曰衣物相與勿驚怖老母也盜感其言相戒曰暴
賢者不祥皆引去若此者數四竟獲免里人服其
孝行祀之學宮六世孫世臣仕明爲大名順德二
府通判

明

李秉字執中萬乾人宣德乙卯鄉薦第一丙辰登進
士授福建延平府推官有寬豪爲民害官莫能禁
秉廉得其狀卽捕治之囚被誣下獄期年事白克
豪伏辜名遂起擢都察院經歷歷戶部主事郎中
出督鳳陽漕運再理宣府糧儲所至事集景泰辛
未以薦陞都察院右僉都御史叅贊宣府軍務請

帑金三萬兩買牛給貧乏軍民秋成使償其價軍民樂業邊餉亦足時北兵以掠得男婦易米朝議大口一石小口半之北兵不從秉曰是重物而輕人也命悉與一石總戎難之秉曰吾不忍委吾民赤子於敵人也專擅之咎吾自任之事聞帝以爲能彈奏都督紀廣叅將楊能怠忽邊備能亦誣秉不法得旨取秉回別用科道連章言風憲糾劾跋扈未辨曲直焉得以撻拾之言輒行改罷帝命御史陳綱給事中嚴誠往勘果誣遂切責能等而任秉如舊秉奏汰宣府尼僧以配軍士之無妻者又

奏都督過興怯懦無謀及叅將方正黃具都指揮使王良孫安陞官賣宅之罪帝切責良等令贖宅以付代者癸酉北兵牧近塞廷議欲掩擊之秉疏不可倖功起邊釁且援姚崇爲相不賞邊功爲証詔從之旋奏罷叅將孫安薦周賢又以張林代江福時論以爲得人嘗條陳邊備十餘事俱切中時務上悉允行在事數年邊境無虞軍民賴之天順改元巡撫江南時郡縣多貪吏秉懲其甚者數人吏治肅然尋改鎮大同釐革宿弊將校賸劄軍士者必置於法群情懼不能免乃以事中之遂坐除

名父之召復職掌南京院事數載進右副都御史
再撫宣府甲申擢左都御史入掌院事屬歲當考
察秉舉劾無所避公論快焉是歲秋以大同邊備
廢弛命秉往鈔之適北兵入境秉率官軍接戰敗
之擒獲人畜萬計師還賜一品服成化丁亥拜吏
部尚書錄前功進太子少保秉素剛直不阿居吏
部士大夫有聲望者不次進擢以庶職不稱由監
生雜冗乃倣古法以身言書判四者律之不稱者
給冠帶罷之由是人多怨望而大臣有忌之者復
嗾給事中蕭彥莊劾之遂落太子少保以尚書致

仕祭酒陳鑑作詩送之云古道自無三黜愠直臣
又見一番歸方秉被劾時六館士方試禮部咸曰
倘罪在不測願不試以贖及闕薄責乃止其爲公
論所直如此丁未詔進階光祿大夫又二年卒年
八十有二賜祭遣官營葬如法謚曰襄敏秉爲人
廉介正直居官執法無敢干以私者與鄉人處忘
其勢分人人得而親之尤好施予所著有公餘江
南雜詠雲中集歸田集

徐思學字崇志其先姑蘇人祖天民明初爲大中丞
撫治河北有功德於曹祀之盤石鎮靖難後遁居

不仕自號耕莘野叟子友政思學父也由孝廉
冬官郎治河有惠愛擢禮科都諫又以歲饑捐金
賑曹曹人感之奉以配享盤石祠思學天性仁孝
嗜學不倦宣德初舉賢良方正對策稱旨賜特恩
進士授曹縣教諭以祖父之祠在焉占籍盤石正
統癸亥廵撫張公驥議復城曹州請於朝陞縣尹
范希正知州思學學正協同建置丙寅正月創興
板築建城社編戶口立衙署設學校而曹州以復
思學之功居多因入州籍爲永豐里人景泰間思
學採集曹志天順辛巳用禮部侍郎許彬薦陞南

太學助教尋遷北國子博士疏請毀淫祀崇聖教
作崇正錄以辟邪說學者比之韓孟丙戌子舟登
第屢乞致仕帝以思學得國師模範弗許再以疾
懇乃允歸田祭酒陳鑑率僚友及生徒載俎賦詩
餞之人嘉其有二疏之風焉旣返里門以曹初立
人未知學益勤勤獎誘申明聖諭六條一時翕然
向化後舟爲御史封思學如其官次子與霖亦俱
仕知縣卒年七十一成化間公舉思學贊治功備
闢邪節高崇祀鄉賢人稱固節先生有固節文集
徐舟字楫之魏元獻思學長子以書經中成化進士

授行人奉使楚豫謝絕饋遺諸王禮幣亦却不受
拜監察御史論事中理不許以爲直巡視直隸山
陝塩政請發枉法銀易邊民之被掠者尋以叅贊
軍務從兵部尚書項忠征滿俊有功還京巡光祿
寺劾汪直不法督學畿內又掌京畿道疏十事首
斥異端復論時宰及內寵聲振朝廷以邊警迭推
知兵出爲四川叙瀘兵備按察司副使會諸蠻劉
五等作亂督兵奮擊追至永寧大壩畢節烏撒多
有斬獲餘衆解散遠歲饑令有司便宜賑濟全活
甚衆未幾勅同彰武伯李震撫諭琉球使旋三邊

總制侍郎程萬里巡撫都御史張鵬請勅舟協征
西番毛里孩會兵六盤山戰敗之追過靖魯立碑
紀勝於打刺城以功最超擢少司馬仍督軍務差
戶部賞軍主事李彛賜賚勅賜之舟以內艱奔赴
不拜旣而宣征鳳凰山叛首王傑頭復哀疏辭免
服闋又宣征燕兒嶺以疾乞休致弗許遂疾篤遣
御醫唐亮調理有司給廩祿歲時存問痊日起用
竟不起年六十八遺有元獻文集邊備須知律法
詳明愛葵堂記退省軒稿方按陝中時有千戶王
玘讐誣繫獄人皆稱寃舟廉得其情卽表釋之西

人感其德... 皆異數雖官風憲居鄉恂恂里人愛敬無間言正
德八年入鄉賢祠

袁禎字貞吉成化丙戌進士知歙縣爲政廉明以言
白自勵事必因民爲利性寬厚吏人愛戴之陞監
察御史

王紹字繼宗永阜人舉弘治癸丑進士授南京太常
博士擢監察御史巡按貴州諸蠻劉五支黨後逆
紹監軍督戰單騎諭以大義衆皆羅拜辭散時閩

曹州志

卷之十五

人物

二二

瑾忌紹出爲陝西按察司副使尋轉叅政陞本省
廉使進右布政使轉浙江左布政使陞南京光祿
寺卿考績北上次徐州遇病表求致仕歸值大疫
公捐金輸粟雇醫存活者十之七嘉靖己丑詔進
大中大夫有司備儀問勞月廩歲力因題其堂曰
清朝存問

陳九疇字禹學號謙齋澤民都人聰穎豪邁善騎射
多權畧中弘治壬戌進士初授刑部主事值獄囚
反衆莫敢搜疇獨入擒之自是聲騰朝野特命審

...

議令陽山一載多忠政後墮敗復職歷本
再值賽陽虎獄變脫械斷監守者脛闌出并陞九
疇援弓登高射賊首皆應弦倒頃刻變定突西奉
命紀錄四川逆寇藍鄂擁衆猖獗九疇會總制彭
率討平之甲戌陞肅州兵憲肅自亦不刺不諛數
年庾廩空匱軍民死徙九疇勵士卒繕壘堡墾荒
田節浮費蓄米千斛以賑流亡金千兩給賞軍士
丙子土魯番入寇潛結降人失伯煙達爲內應時
彭澤任總督方遣使約和不得要領九疇奮怒曰
彭公受天子全陝重寄不能身任利害徒模稜効

弱宋故態何顏立天地間乃捕番謀失伯煙達及
巴思等殺之遣奇兵襲其營斬俘甚衆土番怖逃
本兵王瓊忌其功誣九疇殺降啟釁遂罷職歸未
幾事白復職尋陞陝西按察使番人萬餘入犯遊
擊將軍芮寧戰歿叅將蔣存禮亦被圍九疇出兵
三千禦之賊退復簡勇士千騎夜追至瓜洲盡俘
賊衆奪獲牛羊無筭事聞論功推九疇第一當封
而王瓊黨柄事者阻之使進貢番人失伯煙達之
子寫赤虎仙寅緣群小得狎武宗因乘間誣奏九
疇罪提問坐極刑會官朝審天忽大雷雨不止如

是者再武宗悟遂罷審從末減遣戍鐵嶺嘉靖改元思宿望名臣起拜陝西僉都御史二年間與賊三十餘戰得首級六百餘顆累蒙勅勞會番王速檀滿速兒都督牙木蘭大舉入犯聲震京師九疇駐節甘州嚴備以待賊偵知之因別攻肅州九疇躬率驍騎履險走間道信宿行五百里抵賊壘與戰敗之逐北七日不辭甲斬番王擒都督九寨皆驚曰陳公真天神也再奉璽書旌勞進秩副都御史邊人建祠祀之三年滿召掌院事以病乞骸歸里親九族睦鄉黨州南地下澇則傷禾稼蕩廬舍

九疇力請通渠今稱永真值歲饑散金輸粟民賴以甦至庚子北邊告警三晉不寧本兵王時中奏保九疇以司馬行邊省臺連章推起迨綸音至力疾受命再至已卒享年七十有二九疇久任西陲屢挫敵鋒番人憚其威名凡所統鎮戍被寇九疇輒從問道入登睥睨從上射下敵望之嚙指疑其能分身號飛將云天啓間閣臣朱延禧等公疏請謚忠襄

成守節字子安號甘齋從從兄孝廉守德學讀書求大義不拘章句家貧晏如也甲嘉靖癸丑進士授

元氏縣令興學校翼善良平賦清訟不數月稱治
時大稜鄰境老弱多轉死壯者群起爲盜節於盜
則殲其魁於貧則撫養繼以公事入其疆民有隨
車泣下曰是生我父母耶以高第擢監察御史巡
蘆溝劾部使不職繼巡宣大摘武弁奸贓按江西
疏軍輸改折之弊分宜敗節以天日自誓不少旁
及丁卯大比則慨然負以入事君之義至如匡時
弊廣循良清選法議考課諸疏爲臺省推服而禁
侈封正紀綱糾貪引廉務實斥僞皆設施之大者
在江西病甚乞歸尋起爲河南道改京畿陞大理

曹州志

卷之十五 人物

二五

丞隆慶四年時當熱審多所平反後暴卒於官子
一沛先節卒以侄漢承嗣元氏祀於名宦本州入
鄉賢祀之

張九歌字東河嘉靖壬戌進士初授戶部主事累官
隴右副使晉階中憲大夫歷有能聲致政歸周恤
鄉黨童叟莫不近之里人爲之謠曰張東河四隣
和萬曆間崇祀鄉賢子瑤乙丑進士知蠡縣以廉
能稱曾孫鏐領庚午鄉薦

郭堵字宣澤萬乾人隆慶戊辰進士初授太常寺傳
士陞戶部主事督通州倉務以羨糧代完積逋懸

久繫者甚衆再陞本部郎督餉大同九邊舊募商種鹽故粟芻彌饒黠商行賄大璫議改折色已得請堵至極言其弊力持不行卒由舊制旋陞陝西副使備兵西寧故事番部種馬者官易以茶交市日使者戎服蒞事猶群譁無忌甚者露刃相持旬日弗定堵預陳禍福揚之境上召期番部肅然垂橐聽命洮岷兵變男婦被掠無筭撫軍假以便宜乃建議勒兵大進首亂者聞風震懾盡還所掠全活者數千餘口會久旱步禱卽雨奏績擬顯擢爲讒者所中怡然解綬未幾補泗州守泗當淮下流

苦雨禱卽霽陞南京刑部郎丁父艱歸遂絕意仕進棲遲林下不事竿牘或問之曰世寧有入市不遑攫金歸向隣媪曰索醉飽者乎惟偕昆弟子悠悠優天倫之樂而已居常溫厚和平不侮鄉里是邇爲之謠曰郭二老行的好以子文厚貴贈光祿大夫柱國太子太師戶部尚書萬曆丙辰祀鄉賢劉汝康號靜臺通涇人舉萬曆癸未進士初授汝陽縣令以循良著績行取監察御史累官通政大夫南京太僕寺卿卒賜諭祭

何爾達字乾室號明甫感化人萬曆己丑進士爲

改令... 議論... 大著... 出無... 變因... 旱數... 蕭蠲... 出山... 所部... 乃歲... 曹州志

諸不法... 入姦... 工勞... 辭時... 耳無... 疾旋... 率京... 際增... 入曹... 其風...

周貧民恤寒士爲德... 天性萬曆甲寅公舉鄉賢得崇祀著有惠文集禦
璫疏

吳允中字百舍號見陶母閭太孺人夢星墜於懷而
生中萬曆戊戌進士初授永城令未任丁繼母艱
補商丘縣值河決勞心濬築親行賑濟旣塞修城
倍堤一切因民爲利里甲不擾未滿任以父艱歸
再起授杞縣嚴革徭蠹勸完賦稅改小灘免軍爲
官運民永賴之舉卓異授監察御史屢上封事不
避權要奉勅按宣大兼視學政時當大閱嚴籌具武

備清理軍餉疏蠲名馬租稅于粒省鉅費邊政一
新校士織毫無私又察地利引桑乾水開懷來田
數十萬畝會代王瀾寵廢長廷議紛然爲廉其顛
末上之藩儲以安時值東宮初立福王受封不遣
中外憂疑神宗讀疏感悟亟諭閣臣趨福王就國
旣復命條上兵食大要抗疏抑福藩廢地之請巡
視南城兼管厰庫筭減慈聖壽宮冗費萬計工竣
特賜銀幣以病再疏致政歸杜門課子屏絕私交
有大利獎則不惜亮聲爲郡大夫言之白蓮妖起
嚴城守傾橐餉戍卒亂平補關西憲副至則避賢

站率火耗執傳首劉崇會吳山三十年通寇悉化
爲馴良尋擢南京光祿寺少卿未幾卒郡人上諸
當事祀鄉賢令商丘著有易知錄錢糧考晉御史
臺有疏草憲秦中有條約宗祿議藏於家
李允成鄉學生性孝友端方以古賢哲自期躬耕樂
道不慕榮利鄉人咸器重之卒祀鄉賢

國朝

張鴻翼字盤石新安人舉萬曆壬午明經第一任平
度州訓導造士有法兩奉委查盤東郡剔弊懲蠹
却常例弗受值歲稔力請賑貸全活多人至議倉

晉州志

卷之十五

人物

二九

議河北皆不畫可用當事者器重之屢加獎薦後轉
本州學正未幾拂衣歸卜居灘左與兩兄友愛日
篤郡守扁其堂曰同巢三鳳歷舉鄉飲大賓年八
十卒順治初追祀鄉賢

朱虛字若虛號介菴寒山人順治丙戌進士初令衛
水稱循良第一督軍直指以最績聞擢監察御史
巡視中城時

朝廷有寬令凡出師

得多冑買轉入

秋張二歸故

中

回曠巨女姦豪

九喻案代責

京師宜痛絕根株乃力剪強橫不避權戚曹有運河
夫舊額雇役後派正丁夫河遠人不諳水利每爲
河棍魚肉害什倍解銀虛爲具疏陳情旋按秦中
兼視學政劾貪吏定試額逃叛寒士政治一新會
停按差改授浙東叅議報最進擢肅州副使未任
以疾致政歸筭惟圖書數卷餘無長物也居恒讀
書嗜古聞前人翰墨多方購求喜作丘壑晚歷江
左會稽而益工著有詩經箋古今疏于園集行世
後數年卒於家鄉人思慕公舉崇祀鄉賢

賢行

曹州志

卷之十五

人物

三十

請諸朝與祠祀曰鄉賢若未與祠祀賢有足稱別
紀賢行

周

公孫會曹公子子臧之丁曹悼公時出亡待於鄭三
年賜之珎會奔宋春秋書曰曹公孫會自鄭出奔
宋賢之也

侯孺共公之監晉文公執曹伯文公疾孺貨筮史使
以曹爲解曰齊桓公爲會而封異姓今君爲會而
戚同姓曹叔振鐸文之昭也先君唐叔武之穆也
且合諸侯而戚兄弟非禮也與備偕命而不與

復非信也同罪異罰非刑也禮以行義信以守禮
刑以正邪舍此三者君將若之何公說復曹伯遂
會諸侯於許

漢

侯嘉濟陰人哀帝朝以龔勝薦徵爲諫議大夫

張馴字子儁濟陰定陶人少遊太學能誦春秋左氏
傳以大夏侯尚書教授辟公府舉高第初拜議郎
與蔡邕共奏定六經文字擢拜侍中典領秘書近
署甚見寵異多因便宜陳時政得失朝廷嘉之遷
丹陽太守有惠政光和七年徵拜尚書遷大司農

曹州志

卷之十五

人物

三一

初平中卒於官

曹曾字伯山濟陰人從樂安毆陽歙授尚書積石爲
倉以藏書號曹氏書倉仕至諫議大夫子祉爲河
南尹傳父業

後漢

吳質字季重濟陰人我才學通博爲五官郎將曹丕
所禮愛河北平定丕爲魏世子質與劉禎等並與
之同遊爲丕所善尋出爲朝歌長遷元城令及丕
有天下徵質會洛陽拜北中郎將封列侯加建威
將軍假節督河北諸軍事太和間入爲侍中卒謚

威侯子應晉尚書孫康知名於時亦至大位

晉

下俊濟陰宛句人清真有檢以識事理著稱與鄉人
卻詵有隙後詵以楊駿故吏被繫俊時爲尚書郎
按其獄平心決斷詵卒以免歷位汝南相廷尉卿
下敦字仲仁俊之子累官汝南內史征南將軍山簡
以爲司馬會王如杜曾相繼爲亂簡乃使敦監沔
北七郡軍事振威將軍領江夏相戍夏口敦攻討
沔中皆平繼而杜弢寇湘中加敦征討大都督伐
弢有功賜爵安陵侯鎮東大將軍王敦請爲軍司

曹州志

卷之十五

人物

三二

建興中拜太子左衛率

魏諷濟陰人爲相國掾名重當世

下粹字元仁濟陰宛句人琅邪內史統之子博學有
懿行惠帝初爲尚書郎時楊駿執政人多附會而
粹正直不阿累官侍中中書令進爵成陽公及長
沙王又專權粹立朝正色又忌而害之粹兄弟六
人並登台輔世稱卞氏六龍元仁無雙

南北朝

卞彬字士蔚濟陰宛句人才藻不群文多指刺州辟
西曹主簿奉朝請員外郎齊臺初建彬曰誰謂

遠政予望之太和間之不加罪也除右軍參軍家
貧出爲南康郡丞彬頗飲酒擯棄形骸作蚤虱賦
序及枯魚等賦自朝除南海王國郎中令尚書比
部郎車騎記室永元中爲平越長史綏建太守卒
於官

卞華字昭立壹六世孫幼孤貧好學年十四補國子
生通周易旣長徧治五經與平原明山賓會稽賀
瑒同業友善起家齊豫章王國侍郎遷參軍兼五
經博士博涉有機辨說經析理爲當時之冠仕梁
至尚書儀曹郎江左以來鍾律絕學至華乃通焉

曹州志

卷之十五

人物

三三

陳伯之濟陰人隨鄉人車騎將軍王廣之廣之愛其
勇每夜卧下榻征伐嘗將自隨以戰功累遷驃騎
司馬後歸梁爲北平將軍西豫州刺史子武牙爲
徐州刺史遷直閣將軍武帝親任之

江子一字元亮濟陽人晉江統七世孫家貧以孝聞
武帝太清二年侯景之亂子一敗還帝責之拜謝
曰臣以身許國常恐不得其死今所部皆棄臣去
臣以一夫安能擊賊若賊遂能至此臣誓當碎身
以贖前罪至是與弟左丞子四東宮主帥子五所
領百餘人開門出戰子一直抵賊營徑前刺賊從

者不繼賊解其肩而去子四子五相謂曰與元俱
出何而獨旋皆免胄赴賊死詔贈子一給事黃門
侍郎子四中書節要子五散騎郎子四嘗上封事
極言得失帝善之

范岫字懋賓濟陽人外祖顏延之早相題目以爲中
外之寶仕齊爲太子家令文會太子之在東宮沈
約之徒以文才見引岫亦預焉文雖不逮約而名
行爲時輩所與博涉多通尤悉魏晉以來言凶故
事約嘗稱其該博范雲謂曰諸君進止威儀當問
范長頭以岫多識前代舊事遷國子博士永明中

魏使至詔妙選朝士有辭辨者接使於界首故以
岫兼淮陰長史迎焉梁武徵爲吏部郎遷祠部尚
書卒

鹿生濟陰乘氏人仕魏爲濟南太守有治稱顯祖嘉
其能特徵赴季秋馬射賜以駿馬加以青服彰其
廉潔前後在任十年時三齊始附人懷苟且欽傳
終朝頗廢農業生立制斷之間者稱善後歷淮陽
太守郟城鎮將

鹿愈字永吉生之子好兵書陰陽之學彭城王勰召
爲館客嘗乘馬詣徐州從者竊民禾四束飼之行

數里愈覺大怒卽停行令以鞭三丈逐置於水而下
而去後以殿中侍御史監臨淮王或軍時梁豫章
王綜據徐州密約歸款朝議以綜爲梁主愛子疑
之募人往報驗其虛實愈請行單馬間出徑趨彭
城與綜盟約綜遂內附以功封定陶開國子除散
騎常侍出爲青州彭城王劭司馬會劉鈞房須反
劭遣愈監州軍討之戰於商山旣捷劭左右擅增
首級妄請賞賜愈執不與劭弗從愈勃然作色曰
竭忠盡言爲王爲國豈愈家事不辭而出劭追而
謝焉梁兵七萬圍逼琅邪劭委愈往愈監勸諸將
徑赴敵壘斬俘二千餘級肅宗嘉之璽書勞問永
安中入爲左將軍給事黃門侍郎進爵爲侯愈雖
居通顯志存謙退禮待賓親加於疇昔而自無室
宅常假賃居止布衣糲食寒暑不變莊宗嘉其清
素時賜以金帛遷尚書左僕射東南道三徐行臺

唐

劉政會南華人徙滑州隋大業中爲太原鷹揚府司
馬以兵隸高祖麾下歷官衛尉少卿留守太原調
戢戎政遠近懽服會劉武周寇并州晉陽豪傑舉
應之政會爲武周所擒每密表賊形勢旣平復官

得歷光祿卿封邢國公貞觀轉洪州都督卒太宗
手詔政會昔預義舉有殊功葬有異等於是贈民
部尚書謚曰襄

李勣字懋功離狐人本姓徐隋末徙居滑州之衛南
家富多童僕積粟常數千鍾與其父蓋皆喜施貸
拯濟貧乏不問親疎大業末說翟讓奉李密爲主
密遣勣渡河掩襲黎陽卽日克之開倉募衆一旬
之間得勝兵二十餘萬屢立戰功武德二年密歸
朝廷勣據其舊境未有所屬謂長史郭孝恪曰魏
公歸唐今此人衆土地魏公有也吾若獻之是利

曹州志

卷之十五

人物

三六

王之敗自爲己功吾所羞也乃遣使啓密請自獻
上高祖嘉之詔授黎陽總管加右武侯大將軍封
曹國公賜姓李氏令總統河南山東兵以拒王世
充及密謀反誅勣請收葬詔從之爲密服齊經葬
訖乃釋朝野義之後爲竇建德所陷質其父使復
守黎陽三年自拔來歸四年從秦王伐東都累戰
克之振旅而還論功行賞秦王爲上將勣爲下將
服金甲乘戎輅告捷太廟又從破劉黑闥徐圓朗
累遷左監門大將軍貞觀三年拜并州都督爲通
漠道行軍總管出雲中與突厥頡利戰走之

與李靖合降頡利并其部落萬餘口而還
曰煬帝不擇人守邊勞中國鉅示長城以備胡公
用勦守并突厥不敢南牧贖巨火城遠矣在并州十
六年改封英國公徵拜兵部出回書復以破薛延陀
功封一子爲縣公十八年太皇太后親征高麗以勦爲
行軍總管攻破蓋牟等城封一子爲郡公勦旣盡
忠力功名日著帝謂可托大事丁嘗暴疾帝自剪髮
以和藥後留宴頡曰朕思屬幼孤無易公者公昔
不遺李密豈負朕哉勦感泣曰嚙指流血俄大醉
帝親解衣覆之二十年延陀部落擾亂詔勦將二

百騎便發突厥兵討擊破之頃北悉定二十三年
太宗寢疾出勦爲疊州都督立帝崩高宗立詔授檢
校洛州刺史洛陽宮留守進明開府儀同三司同中
書門下叅掌機密是歲冊拜出回書左僕射永徽四
年進拜司空復命圖形凌煙昭自序之又詔得乘
小馬出入東西臺日一人送迎帝欲立武昭儀爲
皇后畏大臣異議未決密訪於勦荅曰此陛下家事
何必更問外人帝意遂定而王后廢總章元年
高麗莫離支男爲其弟所弒其子乞師詔勦爲遼
東道行軍大總管率兵二萬討之破其國執高麗

男建等裂其地爲州縣詔勣獻俘昭陵明先帝意具軍容告於廟二年進位太子太師增食千一百戶尋卒年八十六帝曰勣奉上忠事親孝贈太尉楊州大都督謚曰貞武陪葬昭陵配享太廟勣性友愛其姊病嘗自爲粥而燎其鬚姊戒止荅曰姊多疾而勣且老雖欲數進粥尚幾何其用兵多籌筭臨敵應變皆契事機聞人片善扼腕而從戰勝必推功於下得金帛盡散之士卒故人爲之用所向尅捷旣沒聞者皆爲流涕勣本名世勣至高宗時避太宗諱故但名勣

按勣傳猶從唐書本傳非後世定論也觀者詳之

李感勣之季弟年十五有奇操李密敗陷於世克克令作書招勣感對曰兄尚節義今已事主決不以感一函造次改圖固辭不從遂爲世克所害

徐敬業李勣之孫高宗崩則天太后臨朝廢帝爲廬陵王人情憤怨敬業與弟敬猷用魏思溫計據揚州同起義兵興復唐祚旬日之間勝兵十餘萬移檄諸郡罪狀武氏天下震動雖不克而死人皆惜之

賈敦實咸亨初爲洛州長史政尚寬惠人心懷向始洛人爲敦順刻碑大市旁及敦實入爲太子右庶

子人復爲立碑其劄故號棠棣碑歷懷州刺史有美跡永淳初致仕卒年九十餘

劉暹字士昭南華人爲汾州刺史天性疾惡所至以方直稱爲觀察使所畏建中末召爲御史大夫宰相盧杞憚其嚴正夏薦前河南尹于頔代之暹官終潮州刺史

劉晏字士安暹之弟明皇封泰山晏始七歲獻頌行在竒其幼命宰相張說試之說曰國瑞也卽授秘書省正字召入禁中戲謂曰汝爲正字正得幾字對曰餘字皆正惟朋字未正帝大悅號神童名震

一時天寶中調夏縣令未嘗督賦而輸無逋期舉賢良方正補溫縣令所至有惠利民皆刻石紀績歷殿中侍御史度支郎中杭州刺史永王璘反與採訪使李希言協力拒之終不言功肅宗上元元年遷京兆尹戶部侍郎兼御史中丞充度支鑄錢監錢等使俄以戶部讓顏真卿二年以降臣嚴莊譖貶通州刺史寶應元年復爲度支轉運監錢等使代宗廣德元年進吏部尚書同平章事諸使如故二年坐與程元振善罷爲太子賓客未幾授御史大夫領東都河南江淮山南等道轉運租庸鹽

缺使時兵戈之後甲外艱食京師米價斗至千
宮厨無兼時之積禁軍有脫巾之呼畿縣百姓至
授穗以供晏旣受命以轉運爲已任凡所經歷必
究利病之由以汴水湮廢漕運迂險乃疏濬汴水
遣宰相元載書陳其利害又以辦集衆務在於行
人所置諸道巡院知院官皆慎簡臺閣中精敏廉
悍之士用之其權貴屬託晏亦應之俸給多少遷
次遲速皆如其意而不使親事是以人人勸職嘗
言士陷賄賄則淪棄於時名重於利故士多清修
吏雖廉潔終無榮顯利重於名故吏多貪汙其勾

檢簿書出納錢穀事雖至細必委士黷吏惟書牒
而已所任者卽數千里外奉教令如目前無敢欺
慢者又言王者愛人不在賜與當使之安於耕織
常歲平歛之荒年蠲救之又時其緩急而先後之
蓋善治病者不使至危憊善救災者不使至賑給
賑給少則不足以活人多則國用闕國用闕則復
重歛矣况賑給多僥倖吏下爲奸強得之多弱得
之少雖刁鋸在前不可禁也嘗以戶口滋多則賦
稅自廣故理財當以養民爲先每令諸道知院官
勿以具雨雪豐歉之狀以告豐則貴糴歉則賤糶

兼以穀易雜貨供官用或於他處賣之知院官於見不稔之端先中其須蠲免其須救助晏不待州縣申請卽奏行之由是民免困弊戶口蕃息始爲轉運使時天下見戶不過二百萬其季年至三百萬初財賦歲入不過四百萬緡季年至千萬緡其非晏所統亦不增也歲輸始至天子大悅遣衛士以鼓吹迓於東渭橋又馳使勞之曰卿朕鄧侯也先是運關東穀入長安者以河流湍悍率一斛得八斗至者則爲成勞受優賞晏以江汴河渭水力不同各隨便宜造運船教漕卒緣水置倉轉相受

給自是每歲運穀至百餘萬斛無升斗沈覆者晏專用榷塩法充軍國之費規畫精密鮮有遺利初歲入錢六十萬貫季年所入逾十倍而人無厭苦累遷吏部尚書尋爲尚書左僕射當安史之亂天下戶口什亡八九又所在宿重兵其費不貲皆倚辦於晏晏有精力多機智變通有無曲盡其妙入不加賦所入仍舊議者稱其能常以厚直募駛足置遞相望以偵四方物價低昂及他利害雖甚遠不數日卽知是以食貨輕重之權悉制在掌握朝廷獲美利而天下無貴世庶之憂晏治家儉約

居修行里第粗樸庫廨飲食菲薄室無媵婢而
重交游敦故舊又善訓諸子成有學藝任事既久
勢侔宰相要官重職多出其門四方名士亦無不
至其有舌辨者率以官爵名利啖之使不得有所
訾短故議者頗言晏任數固恩而不知欲以行其
志也始楊炎爲吏部侍郎晏爲尚書以氣不相下
有隙晏治元載罪而炎坐貶及炎執政銜之遂奏
罷晏轉運等使尋貶忠州刺史復與荆南節度使
庾準合謀構誣誅晏天下寃之

鄧景山本以文吏進累官至監察御史至德初擢拜

曹州志

卷之十五

人物

四二

青齊節度使徙鎮淮南爲政簡肅尋爲太原尹封
南陽郡公至則振紀綱嚴隱蔽叛卒作亂景山遇
害謚曰敬

曹華楚丘人始從宣武軍縛亂將李迺送闕下節度
使董晉署爲牙將後避仇奔東都會吳少誠叛留
守王翊署華爲襄城戍時華浚隍埒堞日與賊搏
數萬馘賊憚之憲宗初累拜檢校右散騎常侍
至京師賜矛甲緇錦還屯拜寧州刺史未行
元濟不受命詔河東懷汝節度使李勣
繼請將軍節度使

遂以功封陳留郡王蔡平進隸州刺史典鄆北時
賊掠商河華遽逐賊斬二千級復其縣又募群盜
可用者貸死補屯卒使覈孔道賊至輒擊卻之不
敢北擢橫海節度副使時朝廷披鄆爲三鎮其明
年克海軍亂殺觀察使遂詔華徃代視事三日大
饗甲士酒中令曰天子以鄆人參戎有轉徙之勞
欲厚賞之請鄆人右州兵左旣而出州兵乃闔門
大言曰天子令誅逆遂斬首二百人血流殷渠赤
氣高丈餘海沂之人重足屏息下令曰鄆魯禮義
之鄉不可忘本乃身接儒士春秋祀孔子立學講

誦文教聿興進檢校工部尚書就充節度使李訥
叛以兵取宋州華不待命逆擊破之檢校尚書右
僕射徙鎮義戎軍盜殺商賈吏捕得乃華嬖人華
怒斷其頸以祭死者卒年六十九贈左僕射華雖
戎伍而動必由禮愛重士大夫不以貴倨人至廝
豎必待以誠信人以爲難

劉濛字仁澤晏之子舉進士累官度支郎中會昌初
擢給事中以才爲宰相李德裕所知時朝廷經畧
河湟以濛按邊調兵械儲糧餉甚稱其職及宣宗
立德裕得罪濛貶朗州刺史終大理卿

劉潼字子固暹之孫擢進士第累官京兆少尹山南
有劇賊依山標畧峻險不便討捕詔潼馳往招諭
之潼挺身直叩其壘曰有詔赦爾罪賊皆列拜請
降後李福討南詔不利潼重撫以恩信蠻皆如約
六姓蠻持兩端爲南詔間使有卑籠部落者請討
之潼因出兵襲擊俘斬五千入南詔大懼自是不
敢犯邊以功加檢校尚書右僕射卒贈司空

五代

龐師古曹州南華人從梁太祖將騎兵破黃巢秦宗
權皆有功彬王友裕攻徐州不克太祖奪其兵以

曹州志

卷之十五 人物

四四

授師古遂攻破徐州斬時溥太祖表師古徐州留
後繼與葛從周攻楊行密於淮南師古出清口從
周出安豐師古自其微時事太祖爲人謹慎未嘗
離左右及爲將出兵必授方畧以行軍中非命不
妄動師古營濟口地勢卑或請就高爲柵師古以
非太祖命不聽淮人決水浸之兵不能戰遂見殺
錢守俊雷澤人少勇鷙初補禁衛屢立戰功前後中
三十六鎗官至右領軍大將軍卒年八十

宋

戚同文字同文楚丘人世爲儒幼孤祖以博育於外

氏奉養以孝聞祖母卒晝夜哀號不食數日鄉里
爲之感動始聞邑人楊慤教授生徒往過其學舍
因授禮記隨即成誦日諷一卷慤異而留之不終
歲畢誦五經慤卽妻以女弟自是彌益勤勵讀書
累年不辭帶時晉末喪亂紀意祿仕且思見混一
遂以同文爲名字慤嘗勉之仕同文曰長者不仕
同文亦不仕慤依將軍趙直家遇疾不起以家事
託同文同文卽爲葬三世數喪直復厚加禮待爲
築室聚徒請益之人不遠千里至登第者五六十
人同文純質尚信義宗族閭里貧乏者周之喪不

能舉者濟之冬月多解裘以衣寒者不積財不營
居室或勉之輒曰人生以有義爲貴焉用此爲由
是深爲鄉里推服有不循孝弟者同文必誨以善
道頗有知人鑒與遊者皆一時名士樂聞人善未
嘗言人之短與宗翼張昉滕知白爲友生平不至
京師長子維任隨州書記迎同文就養卒於漢東
好爲詩有孟潛集二十卷楊徽之嘗因使至郡一
見相善多與唱和及卒徽之曰昔陶隱君號堅白
先生戚公純粹質直以道義自富遂與其門人追

姚坦字明白曹州濟陰人開寶中以尚書擢第太平
興國八年爲皇子翊善累官殿中丞倉部郎中仍
爲益王府翊善王嘗於邸中爲假山費數百萬旣
成召賓僚樂飲共觀之坦獨俛首王強使視之坦
曰但見血山耳王驚問故坦曰在田舍時見州縣
催科鞭笞百姓流血被體此假山皆民租稅所爲
非血山而何是時太宗亦爲假山聞而毀之且召
坦慰諭曰卿居王宮能持正大爲不易尋改衛尉
少卿判吏部南曹景德初出知鄧州轉運使表其
治狀詔嘉獎之

柴自牧濟陰人能詩文舉進士官至兵部員外郎

柴務字寶臣曹州濟陰人乾德中京府拔解太宗
素知其名首薦之第進士累官光祿少卿奉使高
麗遠俗尚禁忌以日月未利稽留朝使成務貽書
開諭國人信服遂成禮而還淳化二年爲京東轉
運使會宋州河決上言河水所經地肥澱願免其
租稅勸民種藝從之召拜司封郎中知制誥賜錢
三十萬改左諫議大夫知河中府真宗卽位遷給
事中尋判尚書刑部未幾解官成務有詞學傳聞
稽古善談論士人重之有文集二十卷

弁雷澤人宋太宗至道中舉進士知陝州弁性孝友爲文多祖六經及孟子有帝則三篇

任載濟陰人慷慨有氣節累官至右拾遺子中正中師皆爲名臣

李昌齡字天錫楚丘人太平興國三年舉進士官大理評事通判合州歷將作監丞開金明池昌齡獻詩百韻太宗嘉之擢右拾遺直史館賜緋歷知滁州廣州淮南轉運使召爲樞密直學士右諫議大夫御史中丞至道二年以本官叅知政事弟昌言官至太子中舍昌言子晉卿仲卿耀卿並進士及

曹州志

卷之十五 人物

第

李紘字仲綱昌齡從子也第進士歷知潛鄉二縣有惠愛呂夷簡蔡齊咸薦之拜監察御史遷至龍圖閣直學士知秦州紘方介有吏才篤於交遊與劉顏爲友顏死移任子息官其子人以爲難

李緯紘之弟起家三班借職杜衍薦爲閣門祇候遷河北緣邊安撫副使歷知保州雄州治兵頗嚴數與宦者爭利害積公使錢貯米三千斛爲常平倉奏下其法於他州遷西上閣門使留再任卒

維同文長子以文行知名舉進士累官太常少

或綸同文次子少與兄維以文行知名太平興國八
年第進士知太和縣民俗險悍多構訟綸爲諭民
詩五十篇以申規誨老幼多傳訟之每歲時必與
獄囚約遣歸祀其先皆如期而還已以大理評事
改知永嘉真宗卽位命爲秘閣校理久之拜右正
言龍圖閣待制綸留意吏事每便殿請對語必移
晷或中夜召見多所敷啓帝深爲采納進秩右司
諫兵部員外郎東封禮成遷戶部郎中直昭文館
待制如故嘗建議修釋奠儀頒天下立常平倉以
平民糴皆從之擢樞密直學士帝作詩寵之旋出

知杭州就加左司郎中歷知楊徐青鄆四州以疾
求歸改太常少卿卒年六十八綸篤於古學善談
名理喜言民政事兄維友愛甚厚維卒計聞哀慟
不食者數日處交游以信義著稱士子謁見者必
詢其所業隨材誘誨之嘗云歸老後得十年在鄉
講習亦可以恢道濟世祥符中繼修禮文與陳彭
年並職屢召對多建條式恩寵甚盛樂於薦士每
一奏十數人皆當時知名士平生儉約旣沒家無
餘貲善訓子弟雖至清顯不敢改其純素卒之日
張知白拍俸助其喪有文集二十卷論思集十卷

理道評十二篇贈左諫議大夫子舜賓省太子中舍

邊肅字安國楚丘人進士及第除大理評事累遷尚書度支員外郎太宗至道初置行帳司以會財用之數命肅主之帳成遷工部郎中出知曹州徙邢州會契丹大入城堞摧圮無守備真宗在澶州密詔肅聽便宜南保他城肅匿詔不發督丁壯乘城而闢諸門悉所部兵陣以待之敵騎傅城下肅與戰小勝契丹莫測也居三日引去時鎮魏深趙磁洛六州閉壁不出獨邢老幼趨城者肅悉開門納

曹州志

卷之十五 人物

四九

之擢樞密直學士歷知宣州天雄軍真定府遷給事中坐事貶久之起知光州進泰寧軍節度副使知泗泰二州卒子調官至福建路轉運使

燕肅字穆之其先青州益都人從父峻寓曹州因占籍濟陰少孤貧遊學四方舉進士授鳳翔觀察推官時寇準知府事薦改著作郎知臨邛縣縣民有訟者常苦吏追擾肅削木爲牘書應逮者姓名使自召之皆如期至累遷殿中待御史提點廣南刑獄遷爲丁謂所忌出知明州已遷直昭文館判尚書刑部上言京師大辟必遷獄兩州郡之獄有疑

及情可矜憫者上請多爲法司所蔽且得不應奏
之罪願如京師死罪槩許覆奏詔從之其後大辟
上請者多得貸減議自蕭始歷知青穎梓扈鄧五
州進禮部侍郎致仕卒蕭喜爲詩多至數千篇性
精巧能畫入妙品嘗造指南記里鼓二車及歌器
以獻又上蓮花漏法所至刻石記之州郡用其法
以候昏曉世推其精密奉詔與宋祁考太常鍾磬
與章得象詳定刻漏皆協在明州著海潮論二篇
燕度字唐卿肅之子登進士知陳留縣年饑盜發
勸邑豪出粟六萬以濟民又行保伍法以察盜

遷右諫議大夫知潭州度有心計凡六佐大農皆
有成績慶曆中三司請權河北塩度言川陝不控
酒河北不禁塩此祖宗順民俗不易之制也議之
寢

燕瑛度之孫以蔭補殿丘尉累官戶部尚書龍圖閣
學士靖康間知河陽金兵入寇死之

劉環濟陰人通判邳州其先八世同居至是和睦之
風不替平生薦士幾二百人多知名士

王能字廣濟定陶人初事州將袁彥太宗在晉邸
左右卽補內殿直六遷至殿前左班指揮

咸平初出爲濟州團練使知靜戎軍建議決鮑河
斷長城口北注雄州塘水爲戎馬限方舟通漕以
實塞下又開方田於靜戎安順之境契丹來寇能
輒擊走之初真宗詢軍校勤勇者委以方面因語
宰相曰聞王能魏能頗宜力公家才固難全拔十
得五亦有助也祥符三年拜侍衛步軍副都指揮
使領曹州觀察使復爲鎮定副部署兼知定州天
禧元年轉都指揮使領保靜軍節度使是冬代還
入見表求辭職不許進彰信軍節度使赴鎮卒贈
太尉

李寶乘氏人初從岳飛爲馬軍後爲統領紹興三十
一年入奏事請徙守江陰從之寶卽遣其子公佐
與將士潛入敵境伺動靜而奏海道無險要可守
萬一敵艦散入諸洋難以蕩滅乘敵未入巢穴掩
其不意而疾擊之可以得志願悉發陛辭賜寶帶
鞍馬尚方弓刀戈甲之屬寶自行在還江陰遂以
舟師三千人進而裨將邊士寧自密州還言魏勝
已得海州寶大喜促其下乘機進發師至東海縣
勝使人邀寶同擊敵新橋寶揮兵登崖以劍畫地
曰此敵界非復吾境當力戰因握槩前行接敵奮

擊士皆一當十敵驚出意外亟引去於是勝出城
迎寶寶維舟犒士遣辯者四出招納威聲振山東
豪傑聚衆爭爲應援寶與敵舟遇於密州膠西縣
陳家島破之復用裨將曹洋計逆戰胸山縣所向
無敵斬獲不計其數曹洋奏捷帝大喜書忠勇李
寶四字表其旗幟駕幸鎮江未就舍先乘馬至江
下觀戈舡寶從上行因陳俘獲與所得百尺舟上
獎諭甚至因嘆曰始朕用寶謗書盈篋至謂必復
從僞今竟何如

金

曹州志

卷之十五

人物

五二

賀揚庭字公叟濟陰人登天德三年經義進士累官
監察御史遷右司員外郎世宗嘉其剛果廉能再
遷戶部郎中頃之授左司郎中改刑部侍郎章宗
卽位除洛州防禦使時歲歉民饑揚庭論積蓄之
家出所餘平糶饑者獲濟洛人爲之立石頌德改
陝西西路轉運使致仕

馮壁濟陰人進士及第同知集慶節度使

馮慶壁之子敦實好學舉鄉貢進士卒贈中憲大夫
禮部侍郎

任天寵字清叔曹州定陶人明昌二年進士由考城

王簿遷威戎令權監察御史轉秘書監兼吏部侍郎貞佑初爲中都路都轉運使時以元兵日逼京師戒嚴糧運艱阻天寵悉力管辦曲盡勞瘁出家貲以濟饑者全活甚衆遷戶部尚書中都失守天寵繼走南京道遇元兵死之謚純肅

李大椿字子幹楚丘人以進士甲科選濮陽王簿右二子長曰恭元次曰寶元壬辰歲群盜相劫爲患挺身奮擊一時悉平鄉人受其賜

李松栢應武舉官至荊州節度使善騎射有謀畧荆民愛戴之如神明

曹州志

卷之十五

人物

五三

元

徐立倚之子尚恬節不求仕進劉學士賡稱其潛德弗耀子七人能光其祚仁爲首出勛伐炳於今古論者謂隱約者終必烜赫云

徐仁字君美立之子爲人生而穎悟甫就黨庠卽通語孟大義至元間襄陽之變會丞相忠武王大舉伐宋籍民爲兵公以戶版毅然治裝從戎所向勳功勅授忠顯校尉後又以前鋒捷報遂授武畧將軍管軍千戶錫寶書銀符後易金符數益爵移軍鎮守佳陽又破洞獠羅劄等寇紳有方畧且友于

元第一日... 建異則舉賊獲... 辭仁不可曰幸託體先人手足至親雖毫髮微物悉自祖禰餘澤中來曷敢獨享之乎竟均分鄉里化焉

商琥字台符挺之子至元間以姚樞許衡薦拜御史時蟠龍寺僧謀叛被擒其黨縱火來劫民大擾琥亟誅其魁後都昌妖賊僭號倡亂琥按問裔從者悉以誑誤縱遣其黨與悉招徠之遷中臺監察御史屬地震因條陳漢文時政進國子司業卒有諫齋文集

商琦字德符挺之第五子也世祖時歷集賢侍講學士遷秘書卿善畫山水嘗使蜀守法無私

朱銳字仲敏楚丘人嗜經史薄榮名嘗為朋樂堂以事講習幣聘魏人王晉伯至其堂昕夕與之上下今古出入聖賢曹之文風因以盛焉

馮翼濟陰人璧之曾孫少以經濟自任非聖賢書不觀好問辨識義理初為福建宣尉使贊畫有方後任太倉提舉建廟興學時方欲征琉球諫止者皆弗聽翼力陳其不可竟罷兵山是拜監察御史尋遷戶部侍郎奉使湖廣然錢穀秋毫弗染後除嘉

與... 巡管以西湖... 道肅政廉訪使所部俗險難
治翼親按之至境投牒者數百吏憚煩叩頭請却
之翼咲曰是在我遂一一受牒召詰無情者辭立
寤果寃者悉寃問不旋踵決之人以爲神明後無
訟者聞臣不堪其嚴謀於內處私人改吉安路總
管翼威信素服不嚴而治民至立祠祀之後拜陝
西行臺侍御史陝人饑盡發西道所徵吏賦以賑
其政績風力類如此

于令儀濟陰人長厚不忤物家富一夕盜入其家詰
于擒之乃隣舍子也令儀曰何苦爲盜對曰迫於

曹州志

卷之十五

人物

五五

貧問所需曰得十千足以資衣食矣卽如數與之
旣去復呼之回語之曰爾素貧夜負十千以歸恐
爲邏者所詰留之至明始去盜大感愧卒爲良民
令儀又擇子姪之秀者起學室延名儒以教之子
俊姪傑傲皆登進士

劉賡楚丘人翰林學士以博雅擅詞壇多所著述
劉克敬楚丘人莘縣尹嘗取仙居令陳襄條約以教
民民服其化立去思碑官至朝散大夫太子守

郭子興其先曹州人父曰郭翁以上南遊定遠
富人育女而贅從郭翁卜口此貴人也請以

遂生子興至正壬辰汝潁兵起子興識天下當變
乃聚賓客子弟拔濠梁據之奇明太祖之才授以
兵柄且奉高皇后配焉太祖因之以成帝業追封
滁陽王建廟祀之

明

孔希禎字士祥盤庚村人先師五十六代孫仕元晉
寧路教授母老歸養洪武初以儒士舉有詩上當
道云正當報主勤勞日爭柰逢親喜懼時累辭不
允授河南涉縣教諭擢工部屯田司主事所著有
芻蕘集

曹州志

卷之十五

人物

五六

王麒字子麒茂之子學博行醇士林推重洪武初以
儒士舉同舉者數百人陛見品隲爲第二授國子
祭酒後改山西按察司僉事弟麟字子麟以明經
舉任翰林院應奉改隴州學正兄弟俱工詩文
武從字行之舉賢良方正授宣陽縣知縣耿潔孤高
聲稱籍籍坐忤當道指罷去尋卒

陳秀實洪武間以文學舉擢監察御史糾劾非法不
避權要

李溫監生任知州以廉幹聞超陞福建按察司副使
政理刑清閩人雅重之

閻濟春墓人貢生歷事天財庫勤慎廉幹授戶部
事

朱恒黃埋人通詩書二經長於詞賦曹士多師之晚
于謁卒老於家

張溥留庄人通詩經兼治易禮旁涉子史善屬文不
干仕進有司禮之

孔誼字文伯希禎從子永樂辛卯鄉舉授刑部山西
司主事折獄明允轉兵部職方司旋改武選遷戶
部郎中公正廉慎有能名陞陝西布政司叅政

孔誠誼之弟治詩經百家子史無不淹貫一時邑人
曹州志
卷之十五 人物
五七
無老少賢愚皆知孔生永樂宣德間有司屢薦之
皆以母老回辭不就

王瀚字朝宗黃堦人永樂辛卯鄉舉擢山西道御史
巡莊浪行部至一邑或言其地僻有妖不可宿瀚
叱之是夜有巨蛇入殺之妖遂絕

劉衡字執中板城人永樂丁酉解元授六合知縣經
術純正學問該博有古君子風

朱忠字子忠丁榮人永樂癸卯鄉舉任臨漳縣學訓
導五經俱通大義歸閑鄉里學者宗之

蘭字惟馨魁之孫為諸生有聲會其師述缺蘭曰

師難不救何以自立於天地間乃毅然身代其辜
囚降吏後官巡檢李家宰秉曰王惟馨古君子也
能爲人所不能爲天必有厚報者願以女妻其子
蘭曰田舍翁敢與公卿伉儷哉李調階秩三台不
如陰騭兩字遂以女妻其子珣珣舉進士累官右
副都御史珣子四人並舉進士蘭以子貴累贈右
副都御史

李木字時升曹州人景泰甲戌進士拜禮科給事中
繩糾得體遷尚寶司丞陞本司卿木性友愛舉先
人遺產悉讓與弟之子所焜又念兄子輝早孤撫

曹州志

卷之十五

人物

五八

養教訓一如已子里中稱其篤義累官光祿寺少
卿卒於官賜祭葬如法

陳鼎字孟安許家人自幼穎悟過人爲弟子時州守
伍禮試之嘆曰奇才成化元年以詩經魁山東明
年登進士知浙江龍游縣幾三載擢監察御史巡
按南畿奏改太倉爲州民便之所至摧奸擊暴雖
權要不撓仕終湖廣按察司副使

閻縉字廷輔號歷山少有志節由選貢授威縣令擢
知陝州改鄧州所至以賢能稱每交代之際雖居
驛內詭用必籍之官未嘗載一物而還在縣時奔

父喪僚友皆贈金至其家亦固却不受士終
徐廣字居仁務本人成化戊子進士任句容令
聲三載丁母艱服闋擬授監察御史未拜而卒
董宣字朝用葛鏡人博學善屬文豪爽負氣舉弘治
間進士爲德清縣令時稱其能

朱繼韓字崇文清滿人中正德丁卯鄉試會試策刺
劉瑾下第三爵以其直選大興縣知縣遭遇立后
買金曰吾以經術致君安能媚事宮禁遂獲罪歸
三十年不入公府教授生徒從學者衆年八十一
卒

王三錫字承恩中正德庚午解元丁丑進士初授庶
吉士旋進編修詔修武宗實錄賜彩幣白金陞侍
講出叅四川省政三錫天性樂易孝友好施在史
館據事直書稱良史云

李鳳字時儀號梧崗正德庚午舉人司理撫州方正
不阿以直忤上官遂拂衣歸子士元字伯大丁丑
進士初授戶部主事監收太倉起臺基庾圉無陰
雨損壞及下僚支收留難之害旋以疾卒士元長
子松篁鶴巢領嘉靖壬午鄉薦授沙河令時分宜
執政守令有聲者必出其門沙河密邇京師嚴

試之通時不聽忤當事左遷開封教諭發明性學
大變汴士浮華之習委署陳州太康監司有一毫
不染之袞及歸行李蕭然裕如也仲子柟字讓卿
號木齋中嘉靖壬子鄉試任廣宗令多惠政立指
稱循良第一性廉潔終身置產不滿二百畝銘其
座右曰寧人負我毋我負人寧我容人毋人容我
三世四科清白傳家有三世清白吏傳

趙惟勤其露人字業甫號修菴少負奇節以古人自
期許弱冠魁嘉靖丁酉三上春官不第謁選令獲
鹿鹿地逼邊疆慄悍多盜勤爲之蠲苛賦削冗役

挫強抑奸民賴以寧歲歉勸借豆粟煮粥以活饑
民行取時有欲以五百金爲公賂分宜者勤堅辭
之遂知平定州先時府守道經獲鹿以坐索受窘
得報喜形辭色然猶未敢發無何丁內艱去守計
行勤落職矣勤聞之畧不動顏曰向以弟幼不能
迎二親養旣又不能襄母大事今幸老父在奈何
不效菽水恨無官哉朝夕承懽未嘗少間疾則躬
藥餌衣不辭者四十餘日焚香祝天願以身代父
竟不起勤居家三十年不妄入公室家貧无好遊
予爲諸生曾以約婚娶舉業師蕭志學喪無二

又假曹風日偷闢遵化堂以申鄉約視在推
悉俸金助張騰等事尤難壽七旬卒

王自省字以約號灘溪紹之孫由歲貢授傅野主簿
陞渾源州判官自省髫年失恃事母孝母卒廬墓
三年兄弟分異獨取荒頌祖光祿公聽事頗弘敞
屬世居者券以貲償析爨者自省不受券亦不受
償曹邑扈公未通便過寄宦囊六篋後累官南京
兆則忘之矣自省以原寄抵扈扈且驚且謝願入
二篋自省牢讓不受其性廉顛如此嘉靖乙丑簿
傅野以斬獲上谷妖寇功受賞卒於官省修髯羸

而秀長於詩文工篆隸善鼓琴有灘溪詩稿宦中
雜著行於世

馬應夢字士徵號柳坡感異夢而生登嘉靖乙丑進
士除池州節推未任丁父艱讀禮哀毀事母無第
備極孝友服闋補河間居官寬平仁恕雪積寃全
活甚衆隆慶辛未行取天下第一授監察御史巡

視兩浙益政薰蘇常松鎮饋運海防錢糧等務政
體百務裕如又巡按廣東道有後患卽徵兵

公以... 息時江陵... 署以前院饒... 司竟不通

侯廣地多獵獐害入湖州巨寇林鳳擄掠無忌者
撫卹舉兵議招安惡夢持不可卽上疏督兵討平
之差滿例轉陝西參議因過里門時應夢門人沈
思孝疏論江陵奪情事被杖過曹應夢館留調理
江陵聞而銜之撫他事授意腹黨假京察降調及
江陵物故由霸州判陞潞安推官尋陞南戶部主
事轉禮部陞陝西按察司僉事歷有顯績臺使奏
薦偶以論事波及應夢嘆曰時事尚可爲乎遂求
辭官以參議致仕晉階三品優游林下年八十無
病而終當遊宦時於曹之河渠及條銀代編事處

繁難者知無不言鄉人德之

馬斯臧字魯思號桐野小留人嘉靖歲貢深沉剛介
不喜嬉戲卽燕居亦肅敬無惰容任五河訓導士
風丕變兩署縣事民情畏服直指嘉獎弟愿作早
卒撫其孤無異已出子速登戊午鄉試

楊萬祺字吉甫中嘉靖丁酉鄉試性鯁介授經問里
時大司馬王傳隨父判曹從祺遊後成進士分行
克西兵憲每逢朔望必執弟子禮請祺祺但勉其
勤政三載餘絕無請託四壁蕭然晏如也傳欲爲
師計示意者再祺徐曰吾不欲私干壞吾老志也

辭愈固七赴公車不第授香河令會派料修奉子
殿祺措置有方事濟而民不擾舊城隅有水患民
病涉祺捐貲爲橋力尚不辦適富豪王介罪當流
假人賄祺祺於公堂發其事正介罪以銀爲修橋
資橋成民樂之號爲楊公橋尋以異等調陝西同
官令同地險多盜西有濟陽寨土人賴以避亂嘗
無水議鑿井乏資邑原設磁窰千計月出稅輸縣
祺盡捐之給鑿井用商感祺意爭出貲先鑿數十
丈功成號深仁井後以捕奸吏忤上官致政歸惟
殘書數卷而已在署舊畜一鶴甚馴擾歸時鶴歷

病遂留署踰年鶴飛來祺家馴擾如初歷雖愈可
驗祺或飲他所鶴輒飛隨之因顏其軒曰來鶴在
軒讀書課子外無事也時州守知祺端方期望延
之宣聖諭於遵化堂郡人圍聽以爲觀感越十一
年卒里人莫不出涕郡守劉亦惜之曰生有躬於
長化歿亦可爲師表立主於遵化堂祀之

張學韓字希文思賢人性孝友受學郡先達李公柟
領萬曆戊子鄉薦三上公車不第司訓臨朐尋擢
稷山令考績稱最丁母艱苦茨受褒命服闋補涉
縣值歲旱請蠲賑多所全活進秩淮陽郡丞會

有火災被害者悉裹瘞之復置艘給貧民之無居者遷永寧守寧山僻近塞守兵驕悍多擾比至嚴申禁制兵民相安未幾辭綬歸杜門課子不與戶外事賑窮周急年七十餘卒著有一得草郡人推重舉從祀鄉賢州守林德馨爲之請以亂作道梗事不能達而止

何應瑞字聖符號大瀛大理丞爾健子中萬曆庚戌進士丁父憂服闋授戶部主事理河西務鈔稅復丁母艱起補前官稅減課增商民德之報最擢知常州時余山寇亂山東盜賊起江南北一日數警

瑞處以鎮靜籌兵計餉才敵裕如盜無敢入其境者旋督學河南力杜薦剡甄拔寒士時稱得人歷大梁叅政井陘觀察擢江西臬司旋陞右轄轉左會已巳警至撫軍勒兵赴急留守會城軍興旁午庫藏空虛而一一拮据竟賴以濟辛未入計召對文華殿敷奏稱旨進秩副都御史出撫中州以失執政意停陞仍還江藩三年完積逋十有四萬五疏乞罷不得請再疏陳情乃予告且特許起復如李攀龍例無何曹紳士列狀上請中外交章論薦起補粵西左布政使晉南太常卿遷工部左侍郎

月之變間難卽投纆纆斷折肱爽作卧疾卒喘生
而穎異爲詩古文詞上追漢魏盛唐工書真行草
俱本晉法居父母喪哀毀盡禮友愛諸弟當大理
卒於京邸季弟方在襁褓多方迎歸撫訓旣成割
己產畀之嘗爲貧交置膳延嗣寒士待以舉火多
有成者至義學義塚猶其餘澤耳著有江藩政畧
撫江奏牘子覲丁未進士官中書舍人

趙惇叙字曰教號良所惟勤長子以歲薦授章丘訓
導陸陳留學正讀書勤業無異諸生時兩邑人文

丕變當事薦章褒美例陞縣令不願就遂歸田里
樂貧尚義以琴書自娛尤以忠孝實行自勉迨惟
勤捐館叙攀號擗踊三日不食嘔血數斗幾死家
人潤以粥糜乃甦事母陳孺人色養備至幼弟惇
典質弱母憂之叙保護惟謹友愛彌篤及與弟析
居艱物寧取其惡者少者里人以孝義稱之

成明樞字環伯號元嶽丰姿瑰瑋綽有經術萬曆丙
午魁於鄉事父滄溟婉順承歡以至孝聞萬曆丙
寅第進士初授太常博士隨擢吏科給事卽陳端
本要務一疏而歸重聖識帝嘉納之繼上飭吏九

則及糾曠官復考選請疏皆切中時弊奉使出封
周藩因藩殿回棹引樞行禮郡邸樞愕然曰體統
正而朝廷尊若此不幾委貺草莽乎且爾國年來
統御國事於何所咸曰後殿樞曰卽此可矣乃特
節入爭竣旋望遷刑左將還朝遣兗州妖賊起樞
於途次上疏請選將專制立見成功時有法司上
讞持兩可卽請申饒定王章於畫一果得旨切讓
刑臣未幾遷禮科都諫會當冊封諸王旣以秦王
請封於制不合一概稽留樞聯疏三諫始得旨立
杖內監之言當封秦王者舉朝以樞有回天之力
而被杖者銜之謬摘樞疏中數字奪俸兩月後內
侍以冬衣給遲闕罪於司空公署復傳諭增選關
官千名樞並糾之遷太常少卿捧慶書報益准二
府准王驚托病不出使世子受書樞正色曰天語
而弁髦之耶吾有奏聞耳王懼扶病出成禮而還
便道抵家省親忽疾作竟卒大業未終朝野惜之
後賜諭祭遺有三垣諫疏四卷

榮本仁字表白幼孤貧喜讀書力不能給何延尉見
而異之延至家授以尚書資其誦讀令諸子弟從
遊成矜式焉中萬曆丙午鄉試初授藥城令邑當

孔道後值歲旱熟於曠供至則嚴察驛棍杜絕侵
漁復設法賑恤饑黎常自曹運米食家人公暇樂
談文藝季考外更立火社汲汲以作養人才爲務
所賞識有陳生者被誣力爲昭雪卒成名士郡守
以廉能推署無極無極素疲難治糧多逋欠前令
到任三日卽致仕去仁徵收奏蠲數月各辦奏最
陸刑部主事旋致政歸會年饑盜起城守戒嚴蠲
廩以資軍用民賴以安始常周急濟貧買田置義
塚初謁選遇友人爲江右布政司理問解糧缺額
將以身殉榮慨爲轉貸完歸竟脫其罪原產甚薄

體母意後置產與弟均分鄉里義之

馮李報字司契中萬曆丙午鄉試初授平原教諭陞
陝西清澗知縣丁艱服闋起補良鄉遂致仕爲人
廉介不苟嘗於旅次拾金一囊守候以還遺者爲
諸生時夜讀書齋中有少婦私奔竟不納及宦遊
歸居鄉黨方正長厚檢身以禮不干外事里人推
重之享年七十餘卒

楊開泰字東陸萬祺孫中萬曆丙午鄉試戊戌副榜
親老不任砥節勵行著有清野堂詩稿行世崇禎
間直隸行部廉得其行列牘滿之備其堂曰勉德

承親遺經教子

郭允厚字萬興號默千堵之子萬曆丁未進士初任
文安令文安地卑濕苦水患雖舊有長堤保定霸
州諸郡復利其決乃倣行益津王人司馬展堤法
及丙寅秋大水諸道皆災文獨免民賴其利會以
內艱去終制補河南邕縣旋調繁維陽值福王建
封中使橫索供帳侵奪民田墾及丞尉且部派籓
祿贍田過侈厚躬爲布置方挫其鋒一循舊例悍
民師黃兩族投充籓役隨授里甲請諸監司寘於
法維民用是不困以父艱去起補西安令未任留

晉州志

卷之十五

人物

部考授兵科給事遷湖廣憲副督餉沅州以病請
家食明年陞太僕寺少卿再晉兵部左侍郎是時
邊餉不給特擢大司農殫心握筭足民裕國著會
計冊永爲地官著鑑廷議嘉之晉階光祿大夫加
官保贈及四世以積勞嬰疾屢疏乞休詔歸督農
課耕未嘗修竿牘虜郡大夫法且嚴飭童僕無擾
閭里嘗曰吾事事皆負先大夫惟投東縱僕一事
不敢失墜也庚辰歲大侵蠲庾粟賑之全活甚衆
壬午冬城破上寇復嘯聚窺伺厚首倡紳士共揭
撫軍留參將張成福鎮撫殘甯曹賴以安年七十

餘卒里人至今德之

郭屏國字藩宸號畿陽利用人三歲而孤食貧力學以明經授荏平司訓在任四載加意造士修葺孔子廟庭上官廉其材委以縣篆弗受後以足疾致仕爲人慷慨尚義方爲諸生時同學生王慎思素醇謹本學業舉優行後以觸忤當事羅織中華學使怒集衆庭訊褫服將加朴衆無言屏國獨憤然挺身力爭且曰昔行優今行劣縱人事可枉如天理何學使訶詰天理何在直應曰天理卽在人心復詰言者爲誰侃然以名對學使怒色霽意辭事

曹州志

卷之十五

人物

六九

竟白生平梗槩多類此

蕭方茂字和松思贖人中萬曆壬子鄉試幼失恃事繼母以孝聞崇尚氣節慷慨好施崇禎庚辰歲大饑人相食方茂盡散積穀里人賴以存活者甚衆武起潛字用潛一字見二集贖人天啓乙丑進士授武清令縣有惡生爲人所訐納金於墨僞以酒餉潛知其詐陽受之召學博及寒士數人至庭出罌謂惡生曰酒味必佳宜共酌之酒傾得金惡生惶恐伏罪卽以金分資寒士治縣一載中華東河牙稅又請改驛遞轉餉車輛爲水運商民便之特旨

褒獎以英傑有未盡者
立斃之獄詳情稱快已已
遷化城破殉難奉旨優
恤妻范氏妾吳氏聞變哀毀不旬月皆以憂卒直
指謝三賓旌其家曰一門忠烈

楚煙字非煙號方壺甘露人博學能詩文天啓乙丑
進士除龍溪令政劑寬嚴不媚津要會海寇起煙
運籌決勝一往蕩平蹟載海氛諸書師軍興旁午
不廢琴書揮海澄篆歷多惠政以父憂歸服闋補
贊皇令山城土瘠民貧多盜比至殫精區畫屢請
蠲賑民賴以安旋舉卓異進秩戶部主事監督神

樞營草場踰年謝政歸里不問田舍不修竿讀誰
以詞賦自娛著有紫芝堂集居恒恤孤周急
咸德之壬午聞警卽戒諭家人以死自天
執知其官而貧答從之義不少屈遂
蒼以爲翼不得免
數創
趙
三

楊起

明

金

...

兼其事人咸義之

國朝

吳三畏字參二號惺一清浪人五歲嗜書領崇禎庚午鄉薦庚辰以副車報例官節推辭不就必以一第自期讀書愈銳性至孝少時父病籲諸神戒已筭一紀以壽父父病果瘳再延十年公車北上時抵德州忽心動遂返轅至臨清家人報母病篤三畏泣祝曰安得使我母子相見一話兼程歸母復甦侍湯藥旬餘乃終家設義館授生徒一時英雋多所成就有牛爲人盜去鬻張姓得銀三兩後脫

曹州志

卷之十五

人物

七

歸三畏家張尾求之三畏不問其由以牛付去後其人感悔贖牛以還貧人李可化以母病鬻妻去髻垂髮假兄妹三畏買得之知其情喚夫領去不索原值順治壬辰始授陽曲令寬平仁恕多惠政後卒於官

吳道煥字文卿號景留小留人總角能文遊庠聲名籍甚著要津十集北窓清言津梁家課以及北窓園林近藝翠竹集諸書行世後學稱文卿先生數舉不第終歲薦性純孝事兩親色養兼備父病衣不解帶者數月既卒哀毀盡禮撫幼弟道煥入學

而天無子卽以季子坦嗣之慶同族親疏各當其情周里人急難如解囊橐申葛生寃贖李氏女諸事不一晚年廣放生戒殺文纂古今大家及會雜朝夕講究年八十餘卒



